



URED ZA ODNOS E S JAVNOŠĆU

Glavna komanda Snaga Evropske unije
Baza Butmir
71000 SARAJEVO
BIH
[HTTP://WWW.euforbih.org/](http://www.euforbih.org/)
Tel: 00 387 (0) 33 49 5214 /5216

Saopćenje za medije (može se objaviti odmah)

Vojna parada povodom odlaska s dužnosti operativnog komandanta

Dana 18. februara 2014. godine u EUFOR-ovoj bazi Butmir održana je vojna parada povodom odlaska s dužnosti operativnog komandanta operacije Althea, generala s četiri zvjezdice sir Richarda Shireffa. Paradi su prisustvovali budući operativni komandant general sir Adrain Bradshaw i komandant EUFOR-a generalmajor Dieter Heidecker.

Generalmajor Heidecker se zahvalio generalu Shirreffu

General Shirreff je na dužnosti zamjenika vrhovnog komandanta NATO-a za Evropu, a time i komandanta EUFOR-ove operacije Althea, od marta 2011. godine. Redovno je posjećivao Bosnu i Hercegovinu kako bi se susreo s političarima svih strana.

Zahvaljujući se generalu Shirreffu, generalmajor Heidecker je rekao:

“Tokom svog mandata na dužnosti operativnog komandanta general Shirreff je pokrenuo stvari naprijed s projektom rješavanja viškova naoružanja, municije i eksplozivnih sredstava, ali je njegov glavni napor bio usmjeren na razvoj koncepta osposobljavanja i obuke Oružanih snaga BiH.

Potreban je napredak

O Bosni i Hercegovini general Shirreff je rekao:

“Ostajem duboko razočaran zbog toga što ne vidimo politički napredak u BiH. Hrvatska je postala punopravna članica EU, a čak su i Srbija i Kosovo, unatoč međusobnim razlikama, odlučni da se pridruže Evropskoj uniji. Na mnogo načina, BiH ide unazad, kao što su pokazale nedavne demonstracije. Ovi neredi bi trebali biti poziv na buđenje bh. političarima, a strane misije u BiH će se okončati samo onda kad se postigne političko rješenje koje je prihvatljivo svim stranama i koje ne ugrožava stabilnost zemlje i regiona. EUFOR, EUSR, NATO i ostali iz međunarodne zajednice će nastaviti pomagati na putu ka euro-atlantskim integracijama.”

Nešto pozitivno

General Shirreff je rekao:

“Vidimo da se počeo ostvarivati izvjestan napredak u vezi rješavanja viškova municije, oružja i eksplozivnih sredstava pod energičnim vođstvom ministra odbrane Osmića i

Original: Engleski

generalmajora Jeleča. Pozitivno je vidjeti bh. 'braću po oružju' kako ostavljaju po strani svoje etničke razlike i djeluju u najtežem i najopasnijem području, Afganistanu.

O EUFOR-u i generalmajoru Heideckeru general Shirreff je rekao:

“General Heidecker je vojnik do srži i pod njegovim vođstvom, EUFOR je stalno demonstrirao profesionalnu izvrsnost, kao što je slučaj sa Timovima za vezu i osmatranje (LOT timovi) koji su nedavno dostavili pregled situacije, kao i sa Odjelom za obuku i osposobljavnje OSBiH.”

Novi operativni komandant

General sir Adrian Bradshaw, koji je ranije bio na službi u BiH, preuzet će od generala sir Richarda Shirreffa dužnost zamjenika vrhovnog komandanta NATO-a za Evropu, a time i komandanta EUFOR-ove operacije Althea, u martu 2014. godine.

Šef Ureda za
odnose s javnošću:

puk Alexander Pehr
00387 (0)33 495 214
00387 (0)61 131 579
euforpio@eufor.eu.int

Glasnogovornik:

kk. Jim Love
00387 (0)33 495 216
00387 (0)66 914 665
Jim.Love@eufor.eu.int